

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊續編第五十二輯
沈雲龍主編

吉林剿撫蒙亂詳細報告書

裴其勳撰

文海出版社

有限公司
印行

W/245/300

中華民國六十七年四月出版

近代中國史料叢刊續編 第五十二輯

精裝：十二冊

定價：新台幣



主編者：沈

雲

龍

發行人：李

振

華

臺北縣永和鎮中興街99巷8號

出版者：文海出版社有限公司

郵政劃撥戶第二七八四號

電話：九二一六五九號
三四一六九二八號

印刷者：東南印製廠有限公司

台北市西園路294巷15弄17號

經銷者：全省各大書局

行政院新聞局出版事業登記證局版台業字第〇四四九號

吉林剿撫蒙亂詳細報告書

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



目次

- 一 序言
- 二 凡例
- 三 警電
- 四 師長訓令
- 五 司令官命令
- 六 動員
- 七 得各方面情報
- 八 佈置軍隊進取前旂
- 九 佔領前旗紀事
- 十 應援奉軍
- 十一 偵悉俄人助蒙槍砲追回俄艦紀事

十二派遣支隊進勦黑帝廟那罕昭後舍利寒賴陶保麻子濠等處蒙壘

十三戰鬪詳報

十四佔領蒙壘後之善後辦法

十五調查

十六長春會議

十七復員

十八附圖表

序

中華民國元年丕基大定黎民雍雍禹域之內迺輯迺理罔敢不率庫倫小醜誕越厥志恃其荒遠弗奉我

國命狼貳狐搢誘其部隣逆豎烏泰與共肆暴三省諸蒙旗愚氓或蠢蠢譬彼泉水不過將漫譬彼野火不戢燎於原

大總統曰咨汝奉吉江三督其各勵爾將士犁其穴庭寧謐境宇其毋怠惟時吉林蒙疆郭旗實長之安撫以風若挈裘領弗勞而來同扶危定傾既弗可以文靖亦匪獨以武競惟賴一二智勇以竟厥績其孰當之今護軍使孟公曰旅長裴可迺鞠師旅窠入其阻搃其吭啖殄其暴字其順匝月而吉屬東蒙亂寧十月二十有八日會東蒙王公於長春敦宣

圖基之宏模揚

大總統之懿威昭明允和無有闕爾蒙人大悅鑿軒舞歌歸其閭閻理其馬牛歲寧

其家如初而東蒙平嗚呼我聞在昔毋使滋蔓蔓難圖若窒涓涓坏土克障及厥涓
天愈艱奏功以茲智將勇士摧蕩萌蘖有若沃沸湯於雪實爲天牖

民國使制其機嗚呼前車之軌垂範來軫斯帙雖簡其克作式鑑於永世
中華民國二年正月陸軍上將銜吉林都督陳昭常識


序言

嗚呼！自武漢起義，中原糜爛甚矣！一時軍兵潰變，盜賊蠭起，無處無之。獨東三省得免荼毒，已屬地方人民幸福。而惟我吉省尤安堵如故，鷄犬無驚者，其故安在？蓋寶賴陸防各軍官兵用命維持秩序爲然也。民國肇建，上下相維，內政外交，逐漸穩固，以爲從此嚮頌太平，可與我四萬萬同胞享自由無上樂利，永免兵連禍結慘劇。企望曷極，乃不意蠢爾蒙古獨樹異幟，反對共和，暗結如虎如狼，強俄起以謀我，始則庫倫暴動，繼則東蒙蟻附，警報紛至岌岌，可危。吉省適當衝要，密邇內蒙，微有疎虞，奉江聲援，勢必斷絕。儻一斷絕，則三省用武，可決言難以得力。哲里木十旗蠢蠢欲動，再加外人煽惑，暗助恐東三省非我民國所有矣。推而至於近畿，推而至於南服，錦族河山皆恐非我民國所有矣。顧慮及此，日夜焦灼，故當警耗甫至，乃急商之。都督陳公尅日興師，風馳電掣，先發制人，具表同情，大計遂決。惟是用兵一道，固貴選將得人，尤貴先佔優勢。比於所部將校選定四十六旅旅長裴其勳充當前敵，司

令官督帶混成一旅星夜馳赴農安進逼郭爾羅斯前旗扼絕內蒙十旗機關并由該旅以內指派陶團長祥貴王團長玉珍趙營長振綱張營長德海等分帶步馬砲各隊飛抵新城節進大賚安廣洮南迤帶阻遏札鎮各旗南來之路使首尾不能策應相機勦撫擄奪魄一鼓殲旃親自鎮懾省城握定根本重地俾便隨時遇事面商都督指授方略無誤戎機於是不數月間卒能先據前旗要點繼截運輸蒙械俄艦終經大軍深入蒙境連戰皆捷攻克巢穴多處抗我者痛加勦辦順我者善加撫循因是內蒙各旗懷德畏威全體向順不敢再謀不軌外人亦復歛跡遠引不敢覬覦非常前此之鶴唳風聲於焉化險爲夷矣然猶恐僻處荒陬各蒙未能悉曉共和要旨潛懷疑貳之心萃集各蒙王公約期來長會晤遠乃先赴長春與盟長齊公及各王公等舌敝唇焦曉諭利害至十數日之久始皆帖然翕服胥泯猜疑嗣都督陳公與奉江代表相繼俱至剴切演說洗心革面翊贊共和誠一時冠裳之盛會也綜觀此事終始與民國存亡關係絕大固盡人知之矣若弗卽事撮記編纂成

書不第無以見成功之鉅艱抑無以表將士之成績矧內外蒙地綿亘數千里後此
應如何治理應如何維繫進行手續方在未艾殊未便苟且偷安置之不理是有望
於各將校羣策群力長保乂安愈無窮盡也云爾

中華民國二年一月上澣吉林護軍使陸軍中將孟恩遠識



序言

我神州苦專制久矣幸海內豪傑輩出犧牲性命推翻數千年專制政體聯合漢滿蒙回藏五大族鑄成共和國同袍同澤幸福無窮孰意庫倫活佛僻處荒陬不識大體倡謀獨立反對共和哲里木蒙十旗受其影響羣焉思逞練兵購械風雲日亟更兼日俄強鄰窺伺斯土匪伊朝夕乘我國基甫建人心未穩因勢利用誘使背道而馳以爲佔領我內外蒙古地步蒙人不察竟墮其術我初不忍大肆撻伐極意勸諭卒未能一回其心風鶴頻驚日甚一日奉吉江三省警報相逼而來有謂札薩克領國公札賚特賓圖科爾沁等旗已聯爲一氣有謂郭爾羅斯前旗運到大宗槍礮有謂俄助蒙快礮六尊運到洮南烏泰並遣其弟赴俄購槍有謂札鎮兩旗蒙兵紛起烏泰率二三千人日內進攻安廣有謂齊公到奉晤日武員厚遺多珍爲聯日之議有謂烏泰於陰歷七月初間赴江省昂昂溪哈爾濱等處催運前購俄國大礮有謂俄隊由富拉爾基車站開往大賚廳境赴洮河太來氣一帶馬隊八營約千人內

外以打行操爲名有謂俄分五隊帶炮五尊每隊約二百餘人假尋前派測繪員爲名有謂蒙兵運往東路槍械子彈七百餘牛車兵千餘名由蒙人陶什陶帶領種種警耗不一而足正在籌備抵禦奉屬鎮東縣城忽焉失陷洮南府治相繼告急理險勢禁之俱窮不得不決以武力我吉省適當衝要尤不可不亟圖進擊於是

都督陳公赫然震怒銳意興師立由陸防各軍抽調步馬礮工輜營連編爲混成一軍使孟公旅檄委其勳爲前敵司令官尅期督師出發當派一枝勁旅馳赴新城探敵情虛實渡松花江進抵大賚安廣洮南各屬會合奉江軍隊相機勦撫一面親督大軍直抵農安進規郭爾羅斯前旗夫郭蒙齊公乃哲里木十旗盟長爲各蒙觀瞻所繫不先削平此壘難收高屋建瓴勢如破竹之利遂將所部將士擇要分佈逐節進逼該旗懾我軍威量力不敵俛首投誠當時尊重人道不忍殄滅同胞寬予收撫數日之間佔領前旗數百餘里我軍得有前旗是已搃其吭而盪其腦矣留陶團長祥貴帶重兵駐此嚴加鎮懾復卽長驅大進直搗札鎮兩旗駐紮資廳相機指揮適據探報俄

艦一艘載有槍礮俄兵由鵬渡口飛駛北往暗中助蒙遂飛派馬隊兩營漏夜躡追馳逐百二十餘里直達柴火梁江口始行追至大兵列陣岸上喝令停止張營長德海奮不顧身躍上俄艦據約力爭將俄武官挽來廳城我以公法嚴詰股悚詞窮遂出境外自此不敢南來沂江一遊未幾趙營長振綱等在洮河以北連破蒙人堅巢那罕昭黑帝廟後舍利塞賴陶保麻子濠心五處傷斃悍蒙數十名餘悉遁逃北竄同時奉軍亦將包省屯烏泰王府等處搗破犁庭掃穴羣蒙喪膽經此慘劇不致再圖抗拒我亦網開一面弗咎既往并許齊公招勸各旗王公洗心向順各王公懷德畏威頽慶再造故此有十月二十八日長春會晤之舉歡欣鼓舞交口而頌中華民國萬歲極一時之盛焉然此僅就是役概略言之也其上峯之指授方畧實地之計畫施行必湏詳細彙編成書方知此次蒙人肇衅與國脈存亡有絕大關係賴各將校之忍心毅力得以盪平此亂轉危爲安之實際兼考此事巔末有無得失用作將來之鑑誦誠非無關輕重好爲鋪張揚厲也勳鑒於此因委穆參謀恩榮張隨辦世

銓董理編纂事宜加委崇忝軍海趙書記官樹琪協同辦理早日編輯完全藉資考
鏡雖然內蒙之事就緒矣外蒙獨立迄今尙未取消尤望有擔負國家任務者願
進行早奠磐石之安勿滋操戈之擾造福民國慶幸曷極也夫

中華民國元年十一月中浣吉林陸防軍混成旅司令官少將裴其勳識

序言

方今民國締造諸端待理其所以維持秩序收服人心固云難矣然強鄰虎視鷹瞵
蹈瑕抵隙我有動作彼起交涉又必不示以弱不觸其鋒方能爲所欲爲勿俾藉口
成我建邦絕大之偉業尤莫如對待外交之爲難也是年庫倫活佛倡亂獨立哲里
木十旗內之札薩克圖王烏泰聯合各蒙相繼起事東三省險象環生危如累卵日
俄向我政府聲詰我動兵進勦彼必從中干預昌言不諱如是蒙人之亂勢必決以
武力決以武力必將立開國變形隨響應不待蓍龜我


裴司令官堯田受命於危急存亡之際督師前來建威則交涉先開市恩則頑蒙梗
化欲措施之適當也豈不憂憂其難哉乃幸裴公老於軍事天資學力悉出人表在
東瀛士官學校肄業有年中外政體俱有心得故當出師之日成竹在胸謀定後動
先帶官弁數名馳抵農安令大軍分路進發暗將郭爾羅斯前旂四面包圍前旂繼
長齊公猝見民軍驚從天降措手不及無可如何乃始俛首就撫而外人亦相顧失

色此先發制人之術也我既撫有前放假勦辦蒙匪爲名長驅直進舉農新境內蒙族聞風喪膽不敢蠢然思動是時大賚洮南安廣鎮東各府縣遍地戒嚴紛來告急僑居蒙郊漢民慘被殺戮者不可勝計於是進抵大賚遣派團營各長開赴洮河以北相機勦撫蒙人猶糾衆千數百名盤踞堅巢抗拒大軍非痛加聚殲不足以折其心而奪其魄不得已大兵雲集槍砲齊施數日之間連破蒙寨五處傷斃甚衆餘悉北逃我仍不忍窮兵黷武將所奪獲牲畜糧食等物派兵看護出示招領無主者分給被難蒙民因是歡聲遍野遠近來歸俄人計無所乘猶以東三省軍隊焚燬蒙人廟宇戮及無辜婦孺嚴電詰問意圖尋釁不知裴公早慮及此防患未然曾未貽彼口實始此消患無形不然亞爾歐風危在眉睫矣然猶不第此也當裴公甫抵大賚適據諜報俄艦一艘載運兵械向廳北駛往暗中助蒙立派騎兵兩營晝夜馳逐果將俄艦追回會同營員廳丞按照公法約章向彼嚴詰俄官語塞詞窮俛首認罪自此不敢再來挑釁若非裴公老成勝算交涉有不立見者乎迨哲里木十旗翁然助

順齊集長春會晤鼓掌歡呼洋溢中外縱日俄其欲逐逐其視眈眈亦莫如我何懃歟裴公之安內攘外誠二十世紀之僅見事業也世銓不敏幸蒙

都督陳公檄委隨辦營務得以始終斯役當其出奇制勝固均抒誠欽佩且藉以滄
溶心思智識良非淺鮮慶欣何如事定之後裴公青眼優待囑將斯役巔末事蹟會
同穆參謀恩棠撮集成帙自維學植荒落愧難搦管不過追隨左右記事較真非敢
以編纂自任也獨是裴公奉檄視師苦心孤詣專在隱杜外患奠定蒙疆其意有非
他人所知者否則必將爲淵毆魚爲叢毆爵使我莽莽大陸不入於日俄不得吾故
不以裴公削平蒙亂爲難吾乃以裴公善弭國釁爲難也吾尤願收撫外蒙者起效
裴公務使金甌亦如此之完全無缺也種族幸甚民國幸甚

中華民國元年十一月中浣吉林隨辦營務同知直隸州知州張世銓謹識



凡例

一 此報告書係以籌備軍務調遣部隊一切文函急電命令情報及行軍駐軍給
套戰鬪各紀事蒐集而成

一 吉林軍隊向來分紮要隘防守地面此次動員令下其程途遠近不一故臨急
調遣未免破壞建制部隊

一 吉林陸軍原以防軍改編而成其車輛馬匹裝械被服器具材料等項迄未添
設完全各隊之能力有變通於其間者故此大混成旅編配亦只量其有同等
之能力（如砲團之馬兵附屬於馬隊中）暨能相輔而行者（如工程隊附屬
於砲隊中）編集成營

一 各該營部有抽調兵數不足者即以他隊附入湊集成營

一 所調零星軍隊附屬於他營者係圖官長之融洽統馭之便利暨因其任務詳
附編配而成

一 此次所調軍隊其馬匹裝械被服器具材料等項既難完全又不一致是以未列表詳記

一 此次行軍以給養之採購地面之防守及集合時之遲速均難劃一故未使用集團部隊

奉天密電

吉林陳都督黑龍江宋都督鑾盛總統覽電當達據吳統領等電稱札賚特及科爾沁鎮國公旗均有暴動與札旂聯爲一氣等情現吳統領所部均抵洮南援隊約七八日亦到似應由奉吉江三路出其不意約期突進使之措手不及期易成功希酌覆巽廿印

奉天密電

吉林陳都督鑾盛吳統領芻電烏泰拒抗吳統領本應督隊進剿請尊處迅飭各軍嚴防相機聯絡助勦盼覆巽個印

奉天密電

孟師長鑾固養悉布置周妥深慰已電吳統領等隨時接洽蒙旂勸諭無效札薩克鎮國公札賚特旨圖等已聯爲一氣填東地方官被困叛形已著吉軍似可相機進剿以爲牽制奉軍全力搗其中堅札薩克破敗其各旂自潰矣何如希酌覆巽梗印

奉天密電

吉林陳都督黑龍江宋都督鑾盛頃接吳統領電鎮東已克復槍斃蒙兵二十三名奪獲快槍五桿我軍無傷亡特聞巽敬印

北京密電

奉天趙都督吉林陳都督黑龍江宋都督午奉

大總統令洽電暨趙都督十九日電悉札旂舉動牽涉全盟任其蔓延三省無安枕之日來電謂假使調停亦難持久誠爲洞見蒙情現經國務會議決定以兵力從事中央已預爲籌備俟勸諭無效可卽出其不意一戰殲旂望該都督等策勵將士挑選精銳嚴爲戒備迅速赴札以寒敵胆而顧全局等因合電遵照國務院號印

師長訓令

八月念四日午前十點由師司令部發

一 奉都督電准奉天電稱札鎮兩旂在洮南府鎮東縣一帶嘯聚暴動其內蒙各旂均有響應之耗我軍應速編混成一旅會合奉江軍隊相機剿撫

- 二 本師編成混成一旅務以鎮撫各旂保持吉邊爲目的尅期由各防地出發
- 三 混成旅由貴司令官帶領調遣經過長春農安一帶先行佔據前旗相機行事
- 四 師司令部現在吉林省城

陸軍第二十三師師長孟恩遠

混成旅編成

司令官步隊第四十六旅旅長裴其勳

步兵第一團團長 王玉珍（現駐新城）

第一營營長 依凌阿（係巡防步兵第三營原駐農安）

第二營營長 隆魁（係九十二團第一營及八十九團
第二營之二
 隊現駐新城）

第三營營長 張玉振（係巡防步兵第五營原駐東京城）

步兵第二團團長 陶祥貴（現駐農安）

第一營營長 趙振綱（係砲團第一營原駐伏龍泉）

第一營 營長 劉玉成 (係步兵第九十團第一營原駐敦化)

第二營 營長 福祿 (係巡防步兵第四營原駐長嶺縣)

馬兵獨立營營長 張德海 (係馬團第一營附砲團第二營之馬兵六十名)

礮兵獨立營營長 李煥章 (係礮團第三營及礮團第二營之馬工一大排並附)

工兵獨立營營長 么殿元 (係步兵第九十二團第二營 附步兵第一營之二十九)

衛生隊半部隊長 姚清和 (係臨時編組)

傳達法

以上合同命令係用馬撥或電報傳知各該營

混成旅命令 八月二十四日下午一時發於省城旅司令部

一 奉師長訓令札鎮兩旗在洮南府鎮東縣一帶嘯聚暴動其內蒙各旗均有響

應之耗

二 本混成旅有鎮撫各旗保持吉邊之任務刻日向農安一帶就近集中

- 三 現在新城農安長嶺一帶各營須掩護我隊集中並迅速偵探蒙情
- 四 步兵第一團第二營(原九十二團第一營)暨第三營(巡防步兵第五營)速向新城出發步兵第二團第二營(原步兵九十團第一營)迅向農安出發
- 五 馬兵獨立營(原駐石頭城子)速向新城出發
- 六 礮兵獨立營暨工兵獨立營(附原步兵第八十九團第一營)明日隨予前進
- 七 衛生隊編成後即赴農安
- 八 本司令部於八月二十五日大早由省城出發經過長春農安向前旗行進

司令官裴其勳

司令部出發紀事

八月二十五日早七時司令官偕同隨辦營務何守械樸劉參謀進甲德繙譯官祥及司令部員弁共二十七員名并督各營由省城出發先派差遣一員帶設營先遣隊赴樸皮嶺以爲舍營之準備因前方原有軍隊以爲掩護是以不設警戒用旅次

行軍法前進是日天氣炎熱異常兵士之困苦實甚然幸士氣勇往行軍間尙能保持秩序下午五鐘至樺皮廠由設營隊帶領分配入舍是夜迅雷大雨天明始止

舍營命令

二十五日下午六時發於司令部

一 舍營值日官崇督隊官海

二 風紀衛兵由工兵獨立營派出兼外衛兵之任務

三 砲兵獨立營自設警戒兵

四 警急集合場在本村西北端之荒地

五 步哨配備完全後報告司令部

司令官裴其勳

舍營之規定

一 口令開進

二 散步區域不出樺皮廠村外

三 七時晚飯九時入寢

四 明日早五時半出發在村外道路上集合

二十六日早五時半派劉參謀先行至土門嶺預備火車十一時至土門嶺下午三時上火車六時十五分至長春司令部寓於道署內是日道路滑澀過甚隊伍未能起行二十七日始抵長春本日午前十二時孟排長帶輜重馬兵三十名至長派充司令部護衛隊

二十七日發祥團長電

農安縣轉祥團長鑒二十八日帶隊由長起行赴農請代覓住處裴其勳感印

二十八日軍政處派軍械局提調吳庚來長辦理兵站前馬三營初營長連甲運到子彈十萬粒是日午前十時派設營隊先赴燒鍋嶺午後零時三十分司令部由長出發因隊未能到齊司令部同護衛隊先行下午六時半抵燒鍋嶺行程五十里在世聚湧燒鍋舍營

舍營之規定

一 口令續行

二 由護衛隊派出風紀衛兵南北各村端派出複哨

三 七時半晚飯九時入寢

四 明早四時半出發

二十九日早四時出發晚五時抵農安廣聚永棧內行程九十里

上師長電

吉林師長鑒固密敦化一營請向農安進發預備駐紮齊公府因該營帳房鍋灶俱全易向前進新城除原有張王兩營長又添張隆兩營似足分佈惟農安仍嫌兵單務請飭劉營長星夜來農爲叩乞示勳卅印

師長來電

裴旅長鑒固密頃據王營長玉珍電稟大賚危急當電飭該營長偕同張營長德海